

TANG U JISU KHRIST UBA PYNIM

Kan kha ïa u khun shynrang, bad men khot kyrtenge ïa u, U Jisu, naba un pyllait im ïa la ki briew na ki pop jong ki. Mathaios 1:21

Naba u Blei u la ieit katta katta ia ka pyrtnei, ba u la aiti noh ia la u khun ba la kha marwei, ba uno uno ruh uba ngeit ha u un ym jot noh, hynrei un ioh ka jingim bymjukut. Ioannis 3:16


U Jisu u ong ha u, Nga long kata ka lynti, bad ka jingshisha, bad ka jingim. Ym don uba wan ha U Kpa, hynrei tang da nga. Ioannis 14:6

Naba ym don kawei pat ka kyrtenge hapoh ka bneng kaba la ai hapdeng ki briew, da kaba dei ban pynim ia ngi. Ki Kam 4:12

Naba nyngkong eh nga la aiti ha phi ia kata kaba nga ruh nga la pdiang, ba U Khrist U la iap na ka bynta ki pop jong ngi katba kum ki jingthoh; bad ba la tep ia u, bad ba la pynmihpat ia u ha ka sngi kaba lai katba kum ki jingthoh bakhuid:

1 Korinth 15:3-4

Ha uba ngi don ka jingsiewspah da ka snam jong u, ka jingmap ia ki pop jong ngi, katba kum ka jingkynrei ka jingaiei jong u. Ephesos 1:7



And the gospel must first be published
among all nations. MARK 13:10

Don saw tylli ki jingshisha kiba ngi dei ban sngewthuh pura:

1. U Blei U ieit eh ia phi.

U kwah ba phin ioh ia ka jingim bymjukut ha bneng lem bad U.

Naba u Blei u la ieit katta katta ia ka pyrthei, ba u la aiti noh ia la u khun ba la kha marwei, ba uno uno ruh uba ngeit ha u un ym jot noh, hynrei un ioh ka jingim bymjukut. Ioannis 3:16

U kwah ba phin ioh ia ka jingim kaba dap bad kaba don jingmut bad U.

U nongtuh u wan ban tuh bad ban pyniap bad ban pynjot. Nga la wan khnang ba kin ioh ka jingim, bad ba kin ioh kyrhai ia ka. Ioannis 10:10

Wat hapdeng kane, bun ki briew kim ju mad ia ka jingim kaba don jingmut bad kim thikna la ki don ne em ia ka jingim bymjukut namar...

2. U briew u long uba pop da ka jinglong tynrai. Dei na kata ka daw ba u la shah pyniakhlad na U Blei.

Baroh ki la leh pop.

Namar baroh ki la leh pop, bad ki la duh ia ka burom U Blei;

Rom 3:23

Namar ka jingieit pisa ka long ka tynrai jong ki jingsniew baroh...

1 Timothy 6:10

Ka bainong jong ka pop ka long ka jingiap.

Namar ka bainong ka pop ka long ka jingiap... Rom 6:23

Ka Baibl ka batai bniah ia ar jait ki jingiap:

- Ka jingiap ha ka met .

Bad kumba la buh ia ki briew ban iap tang shisien, bad hadien kane ka jingbishar: Hebru 9:27

- Ka jingiap ba kynja mynsiem ne ka jingpyniakhlad bymjukut na U Blei ha dujok .

Hynrei kiba sheptieng, bad ki bym ngeit, bad kiba ijli, bad ki nongpyniap briew, bad ki nongkhaili, bad ki nongleh byrtong, bad ki nongmane bleithaw, bad kiba lamler baroh, kin ioh ia la ka bynta ha kata ka pung kaba thang da ka ding bad u kyndok: kata ka long kata ka jingiap kaba ar. Jingpynpaw 21:8

Lada u briew u iakhlad noh na U Blei namar ka pop jong u, kaei ka lad ban weng ia kane ka jingeh? Ngi ju pyrkhat ba ki lad ki lynti ki long: ka niam, ki kam babha, bad ka akor babha. Hynrei ka don tang kawei ka jingpynbeit na U Blei.

3. U Jisu Khrist U long tang ma U ka lynti sha bneng.

Kane ka dei ka jingpynbna U Blei.

U Jisu u ong ha u, Nga long kata ka lynti, bad ka jingshisha, bad ka jingim. Ym don uba wan sha U Blei uba U Kpa, hynrei tang da nga. Ioannis 14:6

U la siew ia ka jingpynshitom kaba pura na ka bynta ki pop jong ngi.

Namar U Khrist ruh u la shah shitom shisien na ka bynta ki pop, u bahok na ka bynta ki bym hok, khnang ba un ioh ialam ia ngi sha U Blei, haba la pyniap ia u ha ka doh, hynrei la pynim ia u da ka mynsiem: 1 Petros 3:18

Ha uba ngi don ka jingsiewspah da ka snam jong u, ka jingmap ia ki pop jong ngi, katba kum ka jingkynrei ka jingaiei jong u.

Ephesos 1:7

U don ka jingkular ia ka jingim bymjukut.

Uta uba ngeit ha U Khun u don ka jingim bymjukut. Bad uta ubym ngeit ia u khun un ym iohi ia ka jingim; hinrei ka jingbitar U Blei ka iaisah halor jong u. Ioannis 3:36

Namar ka bainong jong ka pop ka long ka jingiap; hynrei ka jingai U Blei ka long ka jingim bymjukut da U Jisu Khrist uba U Trai jong ngi. Rom 6:23

4. Ngi donkam ban ngeit ha U Jisu Khrist ban ioh jingpynim.

Ka jingpynim jong ngi ka long namar ka jingaiei U Blei lyngba ka jingngeit ha U Jisu Khrist.

Namar da ka jingaiei la pynim ia phi da ka jingngeit; bad kata ym na phi hi: ka long ka jingai U Blei: ym na ki jingleh, ba uno uno ruh un ym sngew sarong. Ephesos 2:8-9

Naba uno uno ruh uban khot kyrpad ia ka kyrtengeit U Trai un ioh jingpynim. Ki Rom 10:13

Ka Jingduwai jong u nongpop

To duwai ia kane da ka jingngeit:

Trai Jisu, khublei shibun eh ba phi ieid ia nga. Nga phla ba nga long u nongpop bad nga pan map na phi. Khublei ia ka jingiap jong me halor ka diengphna, ka jingtep, bad ka jingmihpat ban siew ia ki pop jong nga baroh. Nga shaniah ha me kum U Trai bad U Nongpynim jong nga. Nga pdiang ia ka jingai jong phi ka jingim bymjukut bad nga aiti ia la ka jingim ha phi. Iarap ia nga ban kohnguh ia ki hukum jong me baroh bad ban long uba sngewbha ha khmat jong me. Amen.

Lada phi la shaniah ha U Jisu Khrist, kine harum ki la jia ha phi:

- Mynta, ngi don ka jingim bymjukut bad U Blei.

Kane ka long ka mon jong uta uba la phah ia nga, ba uno uno ruh uba iohi ia U Khun bad uba ngeit ha u un ioh ia ka jingim bymjukut, bad ngan pynmihpat ia u ha ka sngi kaba khadduh. Ioannis 6:40

- Ia ki pop jong phi baroh la siew bad la map.

(ka mynnor, ka mynta, ka lawei)

Hynrei U Jisu, haba u la lah ainguh ia kawei ka jingknia na ka bynta ki pop junom, u la shong sha ka kti kamon U Blei; Ki Hebru 10:12

- U long u jingthaw bathymmai ha khmat U Blei. Ka dei ka jingsdang jong ka jingim thymmai jong phi.

Namar kata lada uno uno ruh u long ha U Khrist, u long u jingthaw bathymmai; ha khmih kiei kiei baroh ki la jia long kiba thymmai. 2 Korinth 5:17

- U la long u khun jong U Blei.

Hynrei kat kiba la pdiang ia u, ha kita u la ai bor ban long ki khun U Blei, kata ha kita kiba ngeit ha ka kyr teng jong u: Ioannis 1:12

Ki kam babha kim long ka lad ia ngi ban ioh jingpynim, hynrei ki long ki jingpynshisha ne u soh jong ka jingpynim jong ngi.

Namar ngi long ka jingthaw jong u, ba la thaw ha U Khrist Jisu ia ki jingleh babha, ia kiba U Blei u la khreh lypa ba ngin ia id ha ki.

Ephesos 2:10

U blei un kyrkhu ia phi!